



Baca Helaian Penerangan Produk ini sebelum anda membuat keputusan untuk menyertai Takaful myCI Cover. Sila juga pastikan anda membaca terma-terma dan syarat-syarat am.

1. Apakah pelan ini?

Takaful myCI Cover merupakan pelan takaful penyakit kritikal bertempoh yang akan membayar jumlah dilindungi sekiranya didiagnos dengan salah satu daripada 39 penyakit kritikal.

Pelan ini tidak mempunyai sebarang nilai tunai.

2. Apakah konsep Syariah yang diguna pakai?

Pelan ini menggunakan konsep-konsep Syariah berikut:

- Tabarru'** bermaksud derma untuk tujuan kebajikan. Di bawah pelan ini, peserta menderma sebahagian sumbangan ke dalam Akaun Khas Peserta (AKP) untuk membantu peserta-peserta lain.
- Wakalah** merujuk kepada sebuah kontrak di mana satu pihak, sebagai prinsipal memberi kuasa kepada satu pihak lain untuk menjadi wakilnya untuk melaksanakan tugas tertentu dalam perkara-perkara yang boleh diwakilkan, dengan atau tanpa dikenakan bayaran. Di bawah pelan ini, peserta memberi kuasa kepada syarikat untuk menguruskan AKP dan sebagai balasan, syarikat akan menerima yuran Wakalah.
- Qard** merujuk kepada sebuah kontrak pemberian pinjaman wang oleh pemberi pinjaman kepada peminjam di mana peminjam itu perlu membayar jumlah penggantian yang sama kepada pemberi pinjaman. Di bawah pelan ini, syarikat akan meminjamkan sejumlah wang ke dalam AKP tanpa faedah jika AKP mengalami defisit.

3. Apakah perlindungan / manfaat yang disediakan?

Pelan ini akan membayar jumlah sekali gus apabila didiagnos dengan salah satu daripada 39 penyakit kritikal. Senarai 39 penyakit kritikal yang dilindungi dinyatakan dalam Sijil.

Jumlah Dilindungi: RM _____

Tempoh perlindungan: ____ tahun

Nota:

Untuk rawatan angioplasti dan rawatan invasif yang lain untuk perlindungan penyakit arteri koronari, amaun yang akan dibayar adalah 10% daripada jumlah dilindungi, tertakluk kepada maksimum RM25,000 bagi setiap nyawa. Bayaran ini akan mengurangkan jumlah dilindungi pelan ini.

4. Berapakah caruman yang perlu saya bayar?

Anggaran jumlah caruman yang perlu anda bayar ialah RM _____ setahun (kadar setiap RM1,000 jumlah dilindungi adalah RM _____).

Tempoh pembayaran caruman: _____ tahun atau sehingga berlaku kejadian yang dilindungi, yang mana terlebih dahulu.

Nota:

- Kadar caruman adalah berbeza mengikut umur kemasukan dan jantina peserta, tempoh perlindungan dan jumlah dilindungi.
- Amaun caruman adalah tetap sepanjang tempoh perlindungan (iaitu tidak akan meningkat mengikut umur peserta). Walau bagaimanapun, kadar caruman adalah tidak terjamin.

5. Apakah yuran-yuran dan caj-caj yang saya perlu bayar?

Jenis	Amaun
Yuran Wakalah / Yuran Pentadbiran	30% daripada caruman tahunan (termasuk perbelanjaan pemasaran dan pentadbiran)



6. Apakah sebahagian daripada terma-terma dan syarat-syarat penting yang patut saya ketahui?

Sebahagian daripada terma-terma dan syarat-syarat penting yang patut anda ketahui adalah:

- a. **Tanggungjawab Pendedahan** - Menurut Perenggan 5 daripada Jadual 9 Akta Perkhidmatan Kewangan Islam 2013, jika anda memohon pelan ini sepenuhnya untuk tujuan yang tidak berkaitan dengan perdagangan, perniagaan atau profesion anda, anda mempunyai kewajipan untuk mengambil langkah yang sewajarnya untuk tidak membuat pernyataan yang salah semasa anda menjawab soalan-soalan dalam borang cadangan (atau semasa anda memohon pelan ini). Anda mesti menjawab soalan-soalan dengan sepenuhnya dan setepatnya. Kegagalan untuk mengambil langkah yang sewajarnya dalam menjawab soalan-soalan mungkin mengakibatkan pembatalan kontrak Takaful anda, penolakan atau pengurangan tuntutan, perubahan terma atau penamatan kontrak Takaful anda. Kewajipan pendedahan diatas hendaklah diteruskan sehingga kontrak Takaful anda dimeterai, diubah atau diperbaharui dengan kami. Sebagai tambahan semasa anda menjawab soalan-soalan dalam borang cadangan (atau semasa anda memohon pelan ini), anda juga dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang akan dikenakan. Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak Takaful anda dimeterai, diubah atau diperbaharui dengan kami, apa-apa maklumat yang dinyatakan dalam borang cadangan (atau semasa anda memohon pelan ini) tidak tepat atau sudah berubah.
- b. **Tempoh Penelitian Percuma** – Terdapat tempoh penelitian percuma selama lima belas (15) hari kalendar dari tarikh penghantaran halaman maklumat e-sijil untuk anda meneliti dan membuat keputusan sama ada anda mahu meneruskan pelan ini. Jika anda tidak mahu meneruskan pelan ini, anda boleh membatalkan sijil dan mendapatkan bayaran balik penuh untuk caruman yang telah anda bayar.
- c. **Tempoh Menunggu** – Kelayakan bagi perlindungan semua penyakit kritikal hanya akan bermula tiga puluh (30) hari dari tarikh berkuat kuasa perlindungan untuk semua penyakit kritikal selain daripada kanser. Tempoh menunggu enam puluh (60) hari adalah terpakai untuk penyakit kanser.
- d. **Tempoh Survival** – Anda mestilah mandiri untuk sekurang-kurangnya tiga puluh (30) hari dari tarikh diagnosis penyakit kritikal sebelum manfaat akan dibayar untuk pelan ini.
- e. Untuk memastikan perlindungan yang berpanjangan di bawah pelan ini, caruman anda akan ditolak secara automatik setiap tahun daripada kad debit / kredit yang anda pilih.
- f. **Tempoh Tangguh** – Anda mempunyai tiga puluh (30) hari dari tarikh pembayaran caruman (termasuk) untuk membayar setiap caruman yang matang. Sekiranya caruman tidak dibayar pada akhir tempoh tangguh, sijil anda akan luput.
- g. **Kuat Kuasa Semula** – Jika sijil anda telah luput disebabkan caruman yang tidak dibayar, anda boleh kuat kuasakan semula sijil anda pada bila-bila masa dalam tempoh enam (6) bulan daripada tarikh luput, tertakluk kepada terma-terma dan syarat-syarat yang dikenakan oleh kami.
- h. Anda mesti melantik penama dan memastikan penama anda mengetahui berkenaan penyertaan anda di dalam pelan ini.
- i. Pelan ini diedarkan tanpa sebarang perantara.
- j. Anda hanya boleh dilindungi di bawah satu pelan Takaful myCI Cover sahaja.

Nota:

Senarai di atas adalah tidak lengkap. Sila rujuk kepada Sijil yang terdapat di www.takaful-malaysia.com.my untuk senarai lengkap terma-terma dan syarat-syarat di bawah pelan ini

7. Apakah pengecualian utama bagi pelan ini?

Pelan ini tidak melindungi yang berikut:

- a. Penyakit kritikal yang telah wujud pada tarikh kuat kuasa atau sebarang tarikh kuat kuasa semula, yang mana lebih kemudian;
- b. Penyakit kritikal yang:
 - a. Sebarang keadaan yang wujud atau telah didiagnos semasa tempoh menunggu atau selepas tamat tempoh menunggu tetapi berkaitan dengan penyakit yang wujud atau telah didiagnos ketika tempoh menunggu, kecuali penyakit kritikal yang dialami akibat kecederaan; atau
 - b. Tanda-tanda dan simptom-simptom yang wujud sebelum atau semasa tempoh menunggu yang mendorong seseorang mendapatkan rawatan atau perhatian perubatan, walaupun diagnosis yang terhasil berlaku sebelum atau selepas tamat tempoh menunggu.

Tuntutan untuk penyakit kritikal yang diperihalkan di dalam (a) and/atau (b) di atas tidak boleh diterima jika pemberitahuan bagi tuntutan tersebut telah diberikan kepada kami selepas tamat tempoh menunggu.

Nota:

Senarai di atas adalah tidak lengkap. Sila rujuk kepada Sijil yang terdapat di www.takaful-malaysia.com.my untuk senarai lengkap pengecualian di bawah pelan ini.



8. Bolehkah saya membatalkan sijil saya?

Anda boleh membatalkan sijil anda pada bila-bila masa selepas tempoh penelitian percuma lima belas (15) hari kalendar. Perlindungan anda akan tamat pada tarikh matang caruman yang seterusnya dimana anda tidak perlu membuat sebarang caruman selanjutnya. Tidak ada pengembalian caruman jika pembatalan dilakukan selepas tempoh penelitian percuma.

9. Apa yang perlu saya buat sekiranya terdapat perubahan dalam butiran peribadi / butiran untuk menghubungi saya?

Adalah penting bagi anda untuk mengemaskini di dalam portal myTakaful Customer atau memaklumkan kami tentang sebarang perubahan butiran untuk menghubungi anda untuk memastikan semua urusan surat-menyurat sampai kepada anda pada masa yang ditetapkan.

10. Di manakah saya boleh mendapatkan maklumat lanjut?

Jika anda memerlukan maklumat tambahan berkenaan takaful keluarga, sila rujuk kepada buku kecil *insuranceinfo* mengenai 'Takaful Keluarga' yang terdapat di semua cawangan kami atau layari www.insuranceinfo.com.my/.

Sekiranya anda mempunyai sebarang pertanyaan, sila hubungi kami di:

Unit Perkhidmatan Pelanggan (CSU)

Syarikat Takaful Malaysia Keluarga Berhad [198401019089 (131646-K)]

Tingkat 14, Blok Annex,

Menara Takaful Malaysia,

No.4, Jalan Sultan Sulaiman,

50000 Kuala Lumpur, Malaysia.

P.O. Box 11483, 50746 Kuala Lumpur.

Tel: 1-300 88 252 385

Emel: csu@takaful-malaysia.com.my

11. Lain-lain jenis perlindungan serupa yang disediakan:

Sila layari laman web kami di <https://online.takaful-malaysia.com.my/>.

NOTIS PENTING:

MENYERTAI PELAN TAKAFUL KELUARGA ADALAH KOMITMEN KEWANGAN JANGKA PANJANG. ANDA MESTILAH BERPUAS HATI BAHAWA PELAN INI BERSESUAIAN DENGAN KEPERLUAN ANDA. ANDA PERLU MEMBACA DAN MEMAHAMI PELAN INI DAN MENGHUBUNGI KAMI TERUS UNTUK MAKLUMAT LANJUT.

Syarikat Takaful Malaysia Keluarga Berhad adalah dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

Maklumat yang dinyatakan di dalam helaian penerangan produk ini adalah sah pada Oktober 2020.